

中國佛寺志叢刊

趙樣初



清・李元才續修

清・釋亮山補輯

玉泉寺志
(下)

廣陵書社

清・釋天正輯
清・松泉增補

洪山寶通禪寺志

廣陵書社

洪山宝通禅寺志

洪山宝通禅寺志，二卷增补一卷，清释天正原辑，松泉增补。清光绪刻本。

洪山，原名东山，在湖北武汉市武昌。宝通禅寺位于洪山南麓，唐敬宗二年（826），由善信禅师创建于随州（今湖北随县）大洪山，唐文宗太和九年（835）赐额幽济禅院。宋端平年间（1234—1236），因随州兵灾严重，遂迁址于武汉武昌东山，因改东山名为洪山，宋理宗赐额崇宁万寿禅寺。明成化二十一年（1485），敕改宝通禅寺，至今。寺历千年，屡经毁败，现存殿宇多为清同治四年（1865）至光绪五年（1879）建筑，寺内现有圣僧桥、大雄宝殿、祖师殿、禅堂以及宋铸铁钟，石雕石狮等古建筑和文物。寺后尚有洪山宝塔、无影塔等。

寺志最早辑于清雍正十一年（1733），由寺僧天正辑。分为三卷，卷上主要有历代护法、历代主持记，卷中收录历代碑记，卷下除艺文外，另有寺产部分。至光绪年间寺僧松泉又增补若干条，主要记雍正朝之后，同治光绪年间事。

玉泉寺志卷之五

詞翰志三

五言古

答族姪僧中孚贈玉泉仙人掌茶并序

唐李白

余聞荊州玉泉寺近青溪諸山山洞往往有乳窟窟中多玉泉交流中有白蝙蝠大如鵝按僊經蝙蝠一名僊鼠千歲之後體白如雪棲則倒懸蓋飲乳水而長生也其水邊處處有茗艸羅生枝葉如

碧玉唯玉泉真公常采而飲之年八十餘歲顏色
如桃花而此茗清香滑熟異於他者所以能還童
振枯扶人壽也余遊金陵見宗僧中孚示余茶數
十片拳狀重疊其狀如掌號爲僊人掌茶蓋新出
乎玉泉之山曠古未覩因持之見遺兼贈詩要余
蒼之遂有此作後之高僧大隱知僊人掌茶發乎
中孚禪子及青蓮居士李白也

真公卽惠
貞法師

嘗聞玉泉山洞多乳窟僊鼠如白鴟倒懸深谿月
茗生此中石玉泉流不歇根柯灑芳津采服潤肌膚

叢老卷綠葉枝枝相接連曝成僊人掌似拍洪崖肩
舉世未之見其名定誰傳宗英乃禪伯投贈有佳篇
清鏡燭無鹽顧慚西子妍朝坐有餘興長吟播諸天

玉泉道中作

元稹

河南人江陵工曹

楚俗物候晚孟冬纔有霜早農半華實夕水含風涼
遐思雲外寺峰巒渺相望松門接官路泉脉連僧房
微露上弦月暗焚初夜香谷深煙靄淨山虛鐘磬長
念此清境遠復憂塵事防行行且前路勿滯分寸光

人日同度門發足上玉泉

玉泉

明袁宏道

字中郎吏部郎中

燒卻門符紙，匝地競如螳。青眉稚齒兒，堂上誦天子。
予也亦皇皇，趨時治山水。飄笠共山僧，緇老附行李。
是壑卽吾居，是雲卽吾市。逸思觸東風，吐若爭春蕊。
冒霜遵修途，十里黃埃起。

其二

西眉東衡匡，天公賜我履。道遠不能從，玉泉且經始。
幾年說堆藍，末語頗先起。夢中見青溪，石泉帶雪洗。
疊身智者洞，扣我先鄉里。鄉人說鄉事，真切彌可喜。
問我氏伊何，作講堂者是。
隋天台講堂乃袁子雄作

登玉泉來青閣

雷思霈

字何思勳
陵人翰林

石磴幾千級
潏夾長柏奔
泉冷山骨卧
聽知水脈
夕陽空翠生
滿身變衣色
倏鼓豐隆怒
四顧鷹雲黑
驚起老蛟精
倒捲銀河瀉
素朝天開霽
亭檻俯石壁
乍聞深澗濤
吼山山欲劈
峰饒林木青
溪藉沙路白
我家萬山中
終日對山碧
別來已四載
見此欣有得
塵土污縑衣
城中車馬客

玉泉歸贈胡汝濟明府

譚元春

字友夏
陵人孝廉

胡公才卓朕
譽髦常推轂
不自嗟數奇
惓惓作良牧

許我王粲流登樓共遊目但愛清漳清曾無曲江曲
時雨散櫟林好風吹鬼谷度門八十老僧中號耆宿
萬事皆健忘尙知誇佩犢興再遊玉泉泉寺易風俗
肥僧對蔬豉不遭輪蹄辱笑問何由狀公至洗腥毒
智者戒非常潛夜授壯繆再來事有之階級數應熟
所以公臨民不甚用敲扑鄰人無一塵空踏芳甸綠
相別一思長歸鐫艸堂竹

聽泉

袁中道

一月在寒松兩山如晝朗欣然起成行樹影寫石上

獨立巉巖間側耳聽泉響遠聽語猶微近聽濤漸長
忽狀發大聲天地皆蕭爽清韵入肺肝濯我十年想
其二

山白鳥忽鳴石冷霜欲結流泉得月兌化爲一溪雪
一
八水滑水紋帶月潔疾流與石爭山川爲震裂
一生聽長使耳根悅

秋夜玉泉山作

黃聖年

字逢永
南海人

遊屐喜復晴高空助蕭瑟因過化人居遂依維摩室
霜意入宵鐘月痕浸山骨氛歔候何去靜定故不屈

蝙蝠上殿栖何年離乳窟起北嶺經臺泉脈響滄汨
寂寞誰與論方悲郢人質

朝國

贈恒河上人

闕允命

潯陽

涌身攝雲光心向峨眉死至今五十年名山空挂耳
玉泉響盤峰近刻三百里近者尚未遊遠蓋可知矣
拍手濺真珠耳到猶堪洗十年車馬情忽動師言裏
遊玉泉

陳大佐

邑紳

西來千萬峰堆藍獨尊特在昔亂離時潛身走澤國
飽聞玉泉勝蠟屐殊未得乘閒采真來會際烽煙息

翻如遠遊人鬚眉乍相識石壁俯清泉蒼松染黛色
茫茫羣馬中靜喧分晷刻何時賦歸田誅茅北山北
結伴隨緇流世路任傾側

夏日過玉泉寺

汪

堦字嵩臣
邑紳

南陸天氣煖火雲滿空簇策騎來玉泉嵐光迎面撲
納涼羽不休信步越山腹捫壁尋古碑蒙然長苔服
尙有點畫存漫滅不可讀顓秀有遺踪誰能志興復
鼎鑊三朝跡斑駁光離陸置身幽壑間俯首看泉瀑
長吟梵閣中有詩盈卷幅何日卻塵緣傍溪結茆屋

步徐藩司濺珠泉韵

陳嵩極

峽州人

深秀冠諸山，仰止不計里。山下有寒泉，涓涓無終始。
聚沫散連珠，芳荷墜細蕊。心澹伴潭空，了然卽在此。
漱石與枕流，幽貞寧待砥。已上舊志

寄玉泉般若上人

方

璚字深柳
邑學博

堆藍以樸尊，層嵐森卓絕。鬱鬱復蔥蔥，中含太古雪。
一井傳珍珠，四時長清冽。曩爲智者居，隋唐等一瞥。
我來黃鐘候，正值吹葭節。萬木漸就彫，孤峰如立鐵。
樸被憩僧寮，霜月兩澄潔。亦髭頗解事，玉笋爲余設。

所愧手版疲腰瘦向人折不作桑下戀一宿遂長別
幾思續前遊塵網苦羈縻猶記登般舟卻喜逢圓澤
握麈妙談空坐永爐煙滅回首已三年南華徒願切
會復打包來重理無生說爲我致山靈幸勿掃車轍
玉泉山寺雨中卽事

張致青

字涵清邑明經

山低雲幕天春風夜陡怒雨挾溪聲飛客同山僧竊
斷續上方鐘到枕風吹去曉起怯輕寒啜茗繞廊步
時聞山鳥聲來自空濛處卻愁溼雲重壓折山頭樹

登玉泉山頂

聶子英

邑庠

入夢不記年而今乃一踐所求雖已獲所歷非一險
一身旋若蠟萬山翼如卵古來人何處茫茫不勝感

珠泉

姚錦江邑明經

人生不百年苦以忙易閒誰知出岫雲不及在山泉
泉清珠錯落泉沸珠盤旋問珠來何處疑是合浦還
已上新增